



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 12. Seminarium Clericorum ab Eugenio Florentiæ institutum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Eugenii extremum exitium afferre, ur- Sæcul. XV.
 bem etiam Romanam copiis suis cinctam A. C. 1436.
 vix non armis subegisset, nisi Vitellescus,
 Florentiæ Archiepiscopus, & Patriarcha
 Alexandrinus, Vir bellicæ rei experien-
 tia ac gloria, etsi præter status sui condi-
 tionem, præclarissimus, Alphonfi arma,
 adspirante fortuna repulisset, qui omnium
 opinione post tot, quas reportavit victo-
 rias, potuisset facile Alphonsum toto Nea-
 polis Regno pellere, si in conservanda suo-
 rum amicitia studiosior, atque in condo-
 nandis inimicorum injuriis tardior fuisset.
 Geminum vero hoc Vitelleschi vitium Re-
 natum Andegavensem a Regno prohibuit,
 quod ei Eugenius, si sibi liberum fuisset,
 brevi totum asseruisset: Ceterum Roma-
 ni ob plæclara in eorum patriam hac oc-
 casione gesta facinora, gratum ostensu-
 ri animum, Vitellesco equestrem statuam
 in Capitolio erexerunt, ac denique Euge-
 nius Pontifex anno sequenti, simultate
 cum Basileensibus jam inchoata, eun-
 dem in præmium meritorum, cum ejus
 victoriis integer pene Ecclesiæ status re-
 cuperatus fuisset, Cardinalem creavit.

*Blond. 3.
 decad. 7.*

§. XII.

*Seminarium Clericorum ab Eugenio
 Florentiæ institutum.*

Igitur Eugenius Bononia Vitellesci ar-
 mis

Sæcul. XV.
A. C. 1436.

mis recuperata, eo se contulit, inde rebus suis faciliori negotio consulturus Florentiæ instituit Scholam Clericorum qui sub quodam Rectore in cantu Ecclesiastico, & latino idiomate imbuerentur. Assumebantur autem nonnisi Juvenes bonis moribus præditi ex legitimis natalibus orti, decimum aut decimum quintum ætatis annum agentes, qui ibidem permanerent, donec sacro Presbyteratus ordine initiati essent. Incumbebat Episcopo eisdem ad sustentationem necessariam suppeditandi sollicitudo. Haud absimile Collegium Petrus Burdigalensis Archiepiscopus instituit in commodum duodecim pauperum, qui per decennium litteris erudirentur, eo fine, ut postea ad Sacerdotium promoti Ecclesiis inserverent. Pia hæc, ac saluberrima institutio ansam præbuisse videtur Concilii Tridentini Patribus, ut evoluto centum & amplius annorum curriculo in qualibet Diocesi ejusmodi Seminaria erigi præscriberent.

§. XIII.

Iglaviæ Conventus pro concordia Bohemorum.

Hoc eodem anno concordiam cum Bohemis in Conventu Iglaviæ Olmucensis Diocesis civitate indicto stabilitam